

申生之人第三庫中 亥生之人第四庫中  
 卯生之人第五庫中 未生之人第六庫中  
 寅生之人第七庫中 午生之人第八庫中  
 戌生之人第九庫中 巳生之人第十庫中  
 酉生之人第十一庫中 丑生之人第十二庫中  
 乃是生人各有財祿命薄若人本命之日依  
 此燒醮了足別無少欠即得見世安樂出入  
 通達吉無不利所願如心自有本命星官常  
 垂庇佑使保天年過世之時不失人身得生  
 富貴文武星臨財星祿星五福照耀身命胎  
 宮安樂長壽不值惡緣若有男女生身果薄  
 無力章醮可於本命之日請正一道士或一  
 或二或三或五或於官觀或就家庭持誦五  
 斗金章寶經或以自願持誦每誦一遍折錢  
 一萬貫文又志心持念托化受生天尊或千  
 或萬當來托生人中三世長為男子之身五  
 體全備十相端嚴一切恭敬得遇無上正真  
 之道是時五方五老帝君五斗星君南斗六  
 司星君北斗七元星君九天聖眾本命星官  
 元辰星官功曹靈官金童玉女一會神仙得

聞

老君說此真經一時歡喜禮謝玄元各願受  
 持時有始老帝君出班長跪而作是偈稽首  
 禮謝珍重而退

稽首真元無上尊 一心信奉不思議

如斯妙法未曾聞 今日今時盡得之

能為黑暗開光明 能為疾病作良醫

妙哉神呪五靈符 誓願歸依各受持

太上老君說五斗金章受生經

二經同卷

太上洞神天公消魔護國經 上中下

太上說紫微神兵護國消魔經

廿三

太上洞神天公消魔護國經卷上

開度品第一

爾時

元始天尊與諸天天帝十方至真無極大聖  
 妙行真人十方得道諸大聖眾金童玉女太

上三師侍衛眾真在玄都玉京山紫微宮內

說法廣度一切眾生是時日月光照天地寧

開天尊放五色光明遍照諸天無極世界上

至三十二天下至幽冥地獄神光照耀普濟

無窮令幽顯眾生成得安穩受諸快樂無有

疾傷天香普熏祥風聿布飢餓金飯渴飲玉

漿餓鬼窮魂皆得滿足神魂超度業報悉原

地獄寧閑仙階漸陟速得離苦面觀天尊上

生華胥常居法會是時眾中有一真人名曰

無極即從座起身披霞帔手執玉英嚴整衣

冠恭敬作禮禮畢冥心長跪稽首上白

天尊曰臣幸因前福得預斯會聞天尊金口  
敷闡妙門悉令大地幽顯一切眾生咸得安  
穩臣今親見下方因土一切人民有種種諸  
惡或被水災或逢火難或有饑饉或有劫賊  
或遭時疫或遇大旱五穀不熟草木焦枯國  
界不安人民驚懼種種罪累憂愁在心思欲  
救之為無方便臣今發願救理眾生上點高  
真曲垂方便道之利用生育為先乞濟眾生  
令免斯厄是時

元始天尊語無極真人曰善哉善哉子今能  
為大地一切眾生發大誓願作大利益至心  
救護令免災厄利物之功深矣遠矣我今勅  
九天總統三界大魔三五將軍六甲神將天  
丁力士妙行真人慈悲真人玉清真人洞皇  
真人百千萬眾玉清神童二十萬眾天靈赤  
官功曹主簿長生司馬韓君丈人八百萬眾  
天仙地仙三十萬眾威劍神王攝毒神王消  
魔神王食邪神王破魔神王飛仙神王百千  
萬眾禁戒三師雲雷風雨閃雷諸神遊歷世

間救諸厄難凡有眾生若遇水火之厄但能  
冥心至禱開轉此經若遇賊盜當轉此經若  
遭時疫當轉此經若遇大旱當轉此經國界  
不安當轉此經五穀不熟當轉此經萬事不  
諧當轉此經此經若有書寫供養之人自感

九天總統三界大魔三五將軍六甲神將天  
丁力士妙行真人慈悲玉清洞皇真人玉清  
神童功曹主簿長生司馬天仙神仙威劍神  
王消魔攝毒食邪鬼破魔收瘟飛仙神王  
禁戒三師風伯雨師雷公電母千乘萬騎浮  
空而來雲集轉經之所乃獲無量之福是諸  
惡毒悉皆消滅是諸惡賊悉皆破散是諸疫  
毒自得消除水火災厄自然止息國界不安  
當得寧靜四夷歸漢異國來朝疫病差除口  
舌消滅官橫枷鎖速得解散伏連斷絕邪魔  
不與是時無極真人又白

天尊曰天下之內一切眾生時遭災旱如此  
熱惱作何方法乃得風雨調和五穀豐熟  
天尊語無極真人曰子今受吾教法勤而行  
之可於高山或在水岸或在洞穴巖前或在

清淨之地或於觀宇或在家庭建立壇場安  
置尊像懸諸幡蓋五色旌幢雜色寶蓋燃燈  
燒香沐浴齋戒以諸花果供養廣為演說啓  
設壇場轉經行道上獻

三清上聖玉皇大帝十方靈寶無量天尊  
三十二天帝天父地母三官五帝九天五斗  
九曜眾星及諸仙眾一切靈官并諸龍神作  
大利益天尊當遣飛天神王五帝大魔風伯  
雨師與雷動霧巡遊世界須臾之間即令風  
雨應折江河溪澗上下田疇令得普潤草木  
叢林一切花果五穀之類悉皆生成枝葉茂  
盛

元始天尊即說讚曰  
北風飄飄至 西雲鬱鬱來 南丹鳳風翔  
東九龍徘徊 真人奉天符 部領天雨雷  
來蓋崑崙上 普潤諸苦黃  
是時無極真人重告  
天尊曰臣從無量劫來稀見難遇今日得聞  
微妙經典及救治一切眾生種種變化不可  
思議是經當何名之臣等如何受持

天尊曰此經名曰

太上靈寶天公消魔護國經開度品子好重

傳恭敬頂戴若有惡人輕慢當墮惡道甚後

受苦是時座中天人仙眾悉皆奉受作禮而

去

★

太上洞神天公消魔護國經卷上

太上洞神天公消魔護國經卷中

應攝品第二

爾時

太上老君於太清仙境靈寶殿中憑几而坐

手執玉塵說法度人尹喜真人十方仙眾金

童玉女執節捧香列侍左右時有頂門金闕

郎中引一靈官捧一朱書青函於瑤池前奏

對奏訖進函逡巡而返於是尹喜真人前進

作禮上白

老君曰喜侍太上迨至于今凡是眾仙朝會

諸天敷奏自有真儀適見金闕郎中引一靈

官至瑤池前奏對進函逡巡而去喜愚昧不

敏伏願聖慈垂宣示

老君曰汝能發問吾願應機此乃世間劍州

臨津縣奉道佩錄修金丹弟子王法進修靈

寶天公道場齋一日一夜言功拜章飛龍驛

騎騰送上奏至于頂門是時金闕郎中依儀

引見故也

老君曰夫天公齋者出於九等齋科告謝之

格所以世間善信男女悟大道生成感乾坤

覆載二元上燭五行下滋寒暑相推水火相

濟分五土之利順四時之宜上奉天真下滋

長幼一家富樂萬類從心神明護門邪精伏

匿每六齋十直之月選擇良辰精潔宅宇法

天像地懸像掛構建設道場中設三清玉皇

次設十方上聖五方五帝三元三官三十二

天天皇地后諸天列宿三界群仙風伯雨師

雷公電母虛空監察太歲尊神伏羲神農左

社右稷財庫保命延生名山大川五嶽四瀆

四直使者土地靈官奏事監官衛理場將吏

一家精潔冥樹至誠請正一三洞法師或三

人五人七人或一日或三日以時新五果茶

酒香華蘋藻齋潔淨中鎮信銀錢雲馬命米

紋繒然燈燒香依法行道壇場告畢言功賞

真拜表投詞仰祈福祐以憑四直使者上章

詞靈官奏事監官驛龍騎吏騰達章表上奏

三清三清錄言舉功遷善勅下三官九府五

帝考官彼境仙官城隍社令司命司錄土地

之神咸奉天符擁護修齋之所以比之故故

有是焉尹喜真人與諸仙眾一切禮謝重白